



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. De divisione juramenti.

[urn:nbn:de:hbz:466:1-61641](#)

TITVLVS XXIV.

DE IURE JURANDO.

S E C T I O . I.

*De Juramento in genere,
& variis juramentis, tam
licitis, tum illicitis.*

§. I.

*Quid sit juramentum, & de con-
ditionibus ad illud requisitus, variisq;
jurandi formis, ac modis.*

Juramentum re&ē definitur, quōd sit
invocatio Divini nominis in testem, quod duplice modo fieri potest, vel affirmando, aut negando sub invocatione
Divini nominis in testem, & habetur
juramentum assertivum; vel promittendo
aliquid cum juramento, & habetur
juramentum promissorium. Potest autem Deus in testem vocari explicitē, vel
implicite, jurando scilicet per creaturas,
quatenus in illis reueat Deus; uterque
jurandi modus licitus est secundūm se,
c. Et si Christus. 26. h. t. si suos tres
comites habeat, veritatem scilicet (ut res
que juratur, vera sit, sive ita se habere
putetur, sicuti juratur) judicium (ut non
temere, & sine necessitate, utilitate,
ac pia affectione juretur) & justitia de-
nique, ut licitum scilicet sit, a honestum,
quod juratur. Sunt autem jurandi for-
mulae variae, quas magis ex usu Patriæ,
juxta quam jam hoc, jam illud, pro jura-

mento habetur, etiamsi explicitē Divi-
num nomen non invocetur in testem, &
ex Theologia morali discrete potes, quam
ex jure Canonico; ex quo tamen satis
certum est, quōd ex natura rei non re-
quirantur verba formalia ad juramen-
tum (valde tamen convenientius est, ut in
foro extenso per verba juretur) & quam-
vis juxta SS. Canones juramentum fieri
debeat, tactis, vel propositis saltē E-
vangelii, quod in juramento solemni
sepe servatur, consuetudo tamen mari-
bus præscribit, ut erectis cum pollice
duobus primis digitis manus dextræ, re-
liquis duobus in depressis; fœminis ve-
rō, ut jurent ad sinistram pectoris par-
tem positā dexterā; Sacerdotibus deni-
que tangendo pectus, ut jurent.

§. II.

De divisione juramenti.

Juramentum dividitur primō in asser-
itorum, & promissorium, uti jam di-
ctum, ita ut ad juramentum promisso-
rium non tantum reducatur juramen-
tum, quo confirmatur promissio, sive
pactum, sed juramentum etiam fideliti-
atis & obedientiæ, quod Episcopi in sui
Ordinatione, & Abbates in sui benedi-
ctione, si à Pontifice confirmationem
sua dignitatis accipiant, prestatæ debent
Summo Pontifici, juxta c. Ego. 4. h. t.
Et quod Romanorum Imperator in sua

coro-

coronatione Ecclesiae Romanae, & Summo Pontifici prae state solet, ut patet ex Clement. Romani h. t.

Secundò dividitur juramentum in contestatorium, sive illud, quod fit per familiarem contestationem Divini Numinis, sive quando simpliciter Deus in testem vocatur: & in juramentum executorium, quod fit sibi ipso, vel alii dilectis, vindicem Deum, sive malum à Deo immittendum imprecando. De quo Theologi Morales.

Tertiò dividitur in juramentum judiciale, & extra judiciale. Hoc extra judicium fit, & satis explicatur à Theologis Moralibus. Illud in judicio fit, & in diversas species subdividitur, ita ut aliud dicatur juramentum caluniae, de quo in Tit. 7. hujus Libri. Aliud dicatur in litum, cuius tres sunt species. Prima est juramentum veritatis, sive vera estimatio, quod defertur parti, ad cognoscendam quantitatrem, seu valorem rei per alterius malitiam ablatam, precedente ramen Iudicis taxatione c. ult. De his, que vi mensuræ, &c. Secunda est juramentum affectionis, per quod ratione peculiaris affectio, aut utilitatis erga rem sibi deperditam, conceditur huic parti, precedente tamen Iudicis ratione, rem majoris estimare, quam communites valeat. Tertia est juramentum super interesse singulari, & extra rem, quando scilicet damnum passus fuitex non restituta re sua, quod juramento estimare permititur. Aliud denique dicatur huius decisivum, quod in judicio ad finiendam litem nonnunquam deferrur, & si quidem hoc à parte parti deferrur, quod simpliciter recusat potest, dicitur vo-

luntarium; Si vero iudice approbitur à parte parti, ita ut tamen parte possit, dicitur judiciale specie. Necessarium verò denique dicitur, quod in opere plenæ probationis à lato alterutri parti litigantium, vel ex officio vel ad instantiam alterius partis determinetur & suppletorium etiam dicitur, ac in justa causa recusat non potest.

S. III.

Qua persona in judicio jurare possint?

Omnes homines rationis uero genere sunt, sed capaci juramenti edendi in judicio, etiam pueri ante pueritatem, ut constat ex c. 1. De off. puer. Cogendi tamen imponere non sunt, ad jurandum in judicio, ob deficit perfecta discretionis ad reverentiam iuramenti requisita; sed nec Sacerdotes levè causa compelli debent, ad jurandum in judicio, can. Si quis Presbyter, &c. 2. q. 5. neque enim juramentum sacrarium est, nisi quod fidei jurantem omnia deferantur, quod Sacerdotis dignitas dicere non patitur: perjurari nullo modo admittendi sunt, ad jurandum in judicio, quia cum semel juri perjaverint in judicio, periculum ei iterum pejerent.

S. IV.

De variis juramentis illicitis, quod jurantem non obligant.

Iuramentum de re illicita, aut bonis moribus, ac recte ratione expugnati scienter factum, quod observari non debet, regula generalis est; cum jurante